



OREGON OFESIN MEINAPEN ENNUK
OREGON MEINAPEN TUMWUN, KINIKININ PUBLIC HEALTH
TETENNIN 333

KINIKININ 19

CHOSA ME KEUKUN SEMWEN: MENAPEN EPOCHOKUNEN AMMWOKUT ME FOFOR

333-019-1025

Ennukun Aean Pwonupwonun Aaw me Pwot Non me Nukun Ew Neni

(1)(a) Mi auchea ngeni ei state an aramas repwe aea pwonupwonun aaw me pwot ika aea mangakuu ne pwonu awar me pwotur ika ra nonnom non ew neni mi pwan wor aramas ie. COVID-19 mi soun sissiwini mwokutukutun me pochokkunan, ina ren an a feffetan me wakkateno, a memmecheresino an epwe urii aramas, a pwan kon pochokkun ngeniir ei samwau, nge ra noninenchon public health ika a kon pochokkun seni ewe oppwosun eppetin. Seni ewe fansoun ei ennuk a ketiw, ewe sokkun COVID itan Delta a checheno, a watte seni 98 persen me nein ekkewe mi samwau non Oregon. Efeiengawen ewe sokkun COVID itan Delta, a napeno won fan ruu ika fan unungat, nap seni ewe akkomwan, ne minafeon ewe COVID-19. A wor pisekin pwarata pun aramas mi samwau seni ei Delta, ika mwo ir mi angei ika rese angei ewe oppwosun eppetin. Mi chok nenne fengen keukun menun ei samwau non inisir, ir mei pwan tongeni esemweniichon nonom rer.

(b) Paikingin ei COVID-19 mi tonong non inisich ika si ngaseraanong ngasangasen aramas mi uri ei samwau nupwen ar ra mwor, mwesi, keon, kapas, ika ngasangas. Sou tipachem ra sinei pwe pwonupwonun aaw me pwot mi aninniseoch ne eppeteni seni aramas ar repwe ngaseraanong ei samwau me non asepan. Menun ewe COVID-19 mi mecheres an epwe uri armas re nonom non imw mechon nomw fengen non founsoun mi nakattam, mwenekkan re nonom nukun. Aramas mi uriir ewe semwen Delta mi watte menun ika paikiingin ena samwau non ar ngasangas ina ren mi mecheres an epwe mwittir ne urichon nonom ngeniir. Mi chommong fansoun an ei samwau epwe cheuno me nein aramas re mwiich fengen nukun, ika mwo ese kon afeiengaw ussun an aramas mwiich fengen non ew neni non.

(c) Ei ennuk mi auchea ren eppetin menun COVID-19, ren koukutiwenchon niwing pioing ikachon maano, mi pwan awora tumwun ngeni aramas re nonom Oregon.

(2) Ei ennuk esap minen an epwe:

(a) Eukano an aramas repwe eusening ngeni tichikinon ei ennuk ren aean pwonupwonun aaw me pwot.

(b) Eukano an aramas, ika ew pisniis ikachon angang ngeni kafomon ar repwe awora tichikin ei ennuk.

(3) Ren auchean ei ennuk, iei sipwe awewechuu:

(a) "Pisniis" wewen ngechon angang, ew kumi re angang non sitowa, soko, ika anganen ainnis ngeni aramas.

(b) "Nenien chuufengen" wewen nge ew neni mi chommong aramas, awewe non nenien ngaseno, nenien ase, nenien fetan, enefeiter, sukuun, nenien angang, nenien mwiich me ew neni mi suuk ngeni meinisin aramas.

(c) "Pwonupwonun won maas" wewen nge eoch mangakuu, ika mangak mi chou, taropwe ika pwan eoch sokkun pwonupwonun won maas mei pwonueno pwot me aaw seni asetan ewe pwot, feitiw fan ngachin, feino ngeni sapan won maas.

- (d) "Eppetin won maas" wewen nge ekkewe pinastik maas mi pwonuu seni won chaamw, feitiw fan ngaach feino nepekin sapen won maas.
- (e) "Ne-imw" wewen nge aramas re nonom fengen non ew imwar.
- (f) "Nenien non" wewen nge ian kich mi nonom me non, aweve ren nenien angang, non imwen faan, nenien nonom fengen, roomwen sukuun, enefeiter, nenien ngaseno, won paas, ika ian chok aramas ra chuufengen me ia ren ar mochen nge mi pwonupwonuno seni nukun. Nenien non ese pachenong pwisin imwen aramas ika waan emon aramas tarakku pwe pwisin imwar ika waar, esap imwen ika waan ese nifinifin.
- (g) "Pwonupwonun aaw me pwot" wewen nge ekkewe pwonupwonun aaw me pwot chon angang non pioing rekan aea.
- (h) "Chon feri kokkotun ew mwiich" wewen nge emon aramas ika chon angangen kafomon re wiisen feri kokkotun non ew neni ika aramas repwe mwiich fengen.
- (i) "Nenien nukun" wewen nge ian kich mi no ie nukun, nge mi pwan wor aramas rese nonom reom non imwom, ren ar repwe mwiich fengen, aweve ren nenien angang mi chommong chon angang, ew nenien mwiich, nenien katon urumwot, nenien kukunou, me kengkangen nenien mwiich. Nenien nukun ese pachenong kengkangen pwisin imwen emon aramas ika nukun ew nenien aramas ese wor imwar.
- (j) "Chon nemenem won ew nenien non" wewen nge emon aramas ika chon angangen kafomon re nemenem ika masaa ew mwiich non ar nenien non.
- (k) "Chon nemenem won ew nenien nukun" wewen nge emon aramas ika chon angangen kafomon re nemenem ika masaa ew mwiich non ar nenien nukun.
- (l) "Nenien angang akanaemon" wewen pwe ew nenien non aweve ren nenien angang emon me emon repwe aea ren ar atawei ar angang nge esap akka fitemon nge mi pwonuno seni nukun ren apeuun, simen, tencho me asam mi kesip.
- (m) "Nenien chon angang fengen" wewen pwe ew nenien chon angang fengen non ika nukun, mi pachenong ew pisniis, bank, nenien fer mwongo, nenien fer pisek, nenien taiku, nenien isois pisek ika soko me atake.
- (n) "Sein uwou aramas" wewen ekkewe waa mi suuk ngeni aramas ese nifinifin pachenong ika ese keuk seni ekkewe sokkun waa ren paas, eksa, tarakku, chitosa, sein sukuun, sepeniin, mota, me waa aramas re wawa fengen. Sein uwou aramas ese pachenong waan emon me emon aramas me nukun chok ika re aea waar na ne taksini fetannei aramas.
- (o) "Sein wawa fengen" wewen nge sein uwou aramas ese nifinifin, ika en chon unteng e uwei emon ika fitemon aramas non waan nge ir mi meoni an epwe uweiir. Sein wawa fengen mi pachenong taksi, Uber, me Lyft.
- (p) "Nenien utiwitin wa" aweve ren kasoro, nenien utiwitin paas, nenien utiwitin sein neset ika sipw, nenien eksa faanipwun (pachenong sokkun neni ian pasinse rekan tota ika totiwi me ie), nenien eksa, nenien tiwenong ngeni U.S., ika sokkun neni mei wor sein uwou aramas repwe fiti me non kinikinin ei United States.
- (4) Aramas, ika mo ir mi angei ika rese angei ewe opposun eppet, repwe aea pwonupwonun aaw me pwot ika pwonupwonun won maas ika re nonom non ew neni, me nukun chok ika aramas mi pachenong non ewe kinikinin (5) ika (6) non ei ennuuk, iteiten fansoun:
- (a) Re nom non ew nenien non; me
- (b) Ew nenien nukun ika emon aramas ese ponuweta ewe ennukun onuu fiit nefinar me emon ese nonom rer non imwar.
- (5) Ewe pwonupwonun aaw me pwot, ika eppetin maas ese pwan ketiw ika en aramas:
- (a) Mi kukkun seni ier nimu ika rese mo poputa sukuunen kinter; nge ika pwe emon semiriit mi fiti sein uwou aramas nge mi chommong aramas ie, iwe ekkkan mi kukkun seni ier ruu esse ennuuk ar resapw aea pwonupwonun aaw me pwot ika eppetin won maas.
- (b) Mi meur.
- (c) Mi momwongo ika ka.

- (d) Mi feri eoch napanap ese tuufich an epwe aea pwonupwonun aaw me pwot, chowaan nupwen an a tukken ika aa.
- (e) Mi nom non pwisin an nenien angang anamen.
- (f) Nupwen an a minatiw an pwonupwon pwe chon angang repwe essina ngeni sasingin won ID, aweve ren ika pwe e nom non bank ika nupwen an kapas ngeni ponis.
- (g) An rensu, ika fiti chiechian ne urumwoten sport me taiso.
- (h) Mi fori angangen rensu ika chon ammpai nge mi appekkuus an angang ne fiti mwokutukutun chon urumwot.
- (i) An emon keon, ika ettiik noun nikatiik, ika an emon chon pworous mei afanafan ngeni ew mwiichen aramas.
- (6) Ei ennuken aean pwonupwonun aaw me pwot, pwonupwonun won maas ika eppetin won maas non ew nenien nukun ese pwan pachenong, nge en imwen sukuun me chon tumwun semiriit repwe soun achocho ne achema aramas ar repwe awora ewe onuu fiit nefiinar ika re nom nukun:
- (a) Ew imwen sukuun ika a poputa.
- (b) Ew imwen sukuun ika aramas re kaeo sukuun ika wor ar angang atun an a sar sukuun.
- (c) Ew neni mi rechister pwe nenien tumwun semirit fan nurun ewe ORS 329A.250, ika ren ew neni aramas re uwei nour repwe nonom ia fan nurun ewe ORS 329A.430, atun fansoun mi suuk ewe nenien tumwun semiriit.
- (d) Ar ra tori ierin ar repwe poputa sukuun me fiti prokrammin preschool ussun ekkan mi nom fan nurun ORS 329A.250.
- (7) Emon chon nemenem won ew nenien non epwe:
- (a) Tumwunochuu pwe aramas, chon angang, me chon aninnis repwe ponuweta ei ennuken nupwen ar nonom non ar neni.
- (b) Achocho ne tumwunu pwe aramas, chon kame, me wasena repwe pwan ponuweta ei ennuken mesemes nupwen ar nom non ar neni.
- (c) Pacheta sain ren en nenien tonong non ar neni pwe aramas repwe aea pwonupwonun aaw me pwot, pwonupwonun maas ika eppetin maas ren ei ennuken.
- (8) Emon chon nemenem won ew neni nukun epwe pacheta sain ren en nenien tonong non ar neni pwe aramas repwe aea pwonupwonun aaw me pwot, pwonupwonun maas ika eppetin maas ren ei ennuken.
- (9) Emon chon feri kokkotun mwiich ren ew nenien nukun epwe:
- (a) Tumwunochuu pwe aramas, chon angang, me chon aninnis repwe ponuweta ei ennuken mesemes nupwen ar re aea ena neni.
- (c) Pacheta sain ren en nenien tonong non ar nenien mwiich pwe aramas repwe aea pwonupwonun aaw me pwot, pwonupwonun won maas ika eppetin won mas ren ei ennuken, ika rese mwo pacheta nour sain.
- (10) Ei ennuken esapw minen an epwe eukano ew nenien angang ika nenien nonom ar resap enenia aramas mi wor osupwangen inisiir pwe ennuken merika fan ei ennuken Americans with Disabilities Act (ADA), Title fisuu ren en Civil Rights Act, ORS 659.850 ika pwan en ORS kinikinin 659A
- (11) Niwinin tipis: Ika emon aramas ese ponuweta ei ennuken mi tongeni meoni an pakking esap nuu seni \$500 ew ran iteiten an tipis.

Ennuken/Chon Ettipis: ORS 413.042, ORS 431A.010, ORS 431.110 & ORS 433.004

Ennuken/Atun Etiwa: ORS 431A.010, ORS 431.110 & ORS 433.004

Toureochun taropwe: Ren aramas mi tuufichingaw ika rese weweiti fossun merika, OHA mi awora pwan ekkoch sokkun taropwen aweve mi fossun non fenuwom, makkemong, ren chon rese kunaechoor, pwan braille pwe ekkan mi chuun repwe tongeni annea. Kokori ewe Health Information Center, nampaan 1-971-673-2411, 711 TTY ika COVID19.LanguageAccess@dhsosha.state.or.us.